

續藏經

俱舍論頌疏

下冊
卷十一至
卷三十

中國佛學院翻印

PDF

分別世間品第三之四

從此大文第二明器世間一明所居器二明能居量
三明三分齊就明所居器中有二一別明小器二總
明大千就明小器中有八一明三輪二明九山三明
八海四明四洲五明黑山等六明地獄七明日月八
明天器且初第一明三輪者說云如是已說有情世
間器世間今當說頌曰

安立器世間 風輪最居下 其量廣無數

厚十六洛叉 次上水輪深 十一億二萬

下八洛叉水 除凝結成金 此水金輪廣

徑十二洛叉 三千四百半 周圍此三倍

釋曰初句總標餘句別釋洛叉此云億論云許此三

千大千世界如是安立形量不同謂諸有情業增上

力先於最下依止虛空有風輪生其量廣無數厚十

六億踰繕那如是風輪其體堅密假使有一大諸健

那此云龍以金剛輪奮威懸擊金剛有碎風輪無損

又諸有情業增上力起大雲雨樹風輪上掃如車輪
積水成輪於未凝結位深十一億二萬踰繕那問如
何水輪不傍流散答有餘師說一切有情業力所持
令不流散如所飲食未熟變時終不流移墮於熟藏
有餘師說由風力持令不流散如箭持數有情業力
感別風起搏擊此水上結成金如熟乳停上凝成膜
故水輪減唯厚八洛叉餘轉成金輪厚三億二萬二
輪廣量其數是同謂徑十二億三千四百半周圍其
邊數成三倍謂周圍量成三十六億一萬三百五十
踰繕那

從此第二明九山頌曰

蘇迷盧處中 此云大踰健達羅 此云持雙山 廣

持故故 伊沙歇羅山 此云持輪山 舉上雙輪

以名焉 竭地洛迦山 此云竭地洛迦山 此國南方亦有

故以為 蘊達黎舍那 此云善見 頗濕縛竭摩 此

名也 鳥耳山形 毗那恒迦山 此云象鼻 尼民達羅山

此是無名其無 於大洲等外

有鐵輪圍山 前七金所成 蘇迷盧四寶

入水皆八萬 妙高出亦然 餘八半半下
廣皆等高量

釋曰前兩行半明九山次兩句明山體後一行明山
量論云於金輪上有九大山妙高山王處中而住餘
八周匝遶妙高山於八山中前七名內第七山外有
大洲等此外復有鐵輪圍山周匝如輪圍一世界持
雙等七唯金所成妙高山王四寶爲體謂如次四面
北東南西金銀吠瑠瑠頰毗迦寶隨寶威德色顯於
空故瞻部洲空似吠瑠瑠色間如是寶等從何而生
答亦諸有情業增上力復大雲起雨金輪上滴如車
軸積水潯奔其水卽爲衆寶種種山具種種威德猛
風鑽擊變生衆寶類等如是變生金寶等已復由業
力引起別風簡別寶等攝令聚集成山成洲分水甘
鹹令別成立內海外海如是九山住金輪上入水量
皆等八萬踰繕那蘇迷盧山出水亦爾餘八出水半
半漸卑謂初持雙山出水四萬乃至最後鐵輪圍山
出水三百一十二半如是九山一一廣量各自與
出水量同

從此第三明八海頌曰

山間有八海 前七名爲內 最初廣八萬
四邊各三倍 餘六半半陁 第八名爲外
三洛叉二萬 二千踰繕那

釋曰妙高爲初輪圍爲後中間有八海前七名爲內
七中皆具八功德水一廿二冷三爽四輕五清淨六
不臭七飲時不損喉八飲已不傷腹如是七海初廣
八萬約持雙山內邊周圍量於其四面數各三倍謂
各成二億四萬踰繕那其餘六海量半半狹謂第二
海量廣四萬乃至第七量廣一千二百五十此等不
說周圍量者以煩多故第八名外鹹水盈滿量廣三
億二萬二千

從此第四明四大洲頌曰

於中大洲相 南瞻部如車 三邊各二千
南邊有三半 東毗提訶洲 其相如半月
三邊如瞻部 東邊三百半 西瞿陀尼洲
其相圓無缺 徑二千五百 周圍此三倍
北俱盧憂方 面各二千等 中洲復有八



印影樓芬涵海上月二十年三十國民華中

大日本續藏經 第壹輯

第八拾六套 第壹冊目次

支那撰述

大小乘釋論部

俱舍論頌釋疏 二十九卷之內
自十一至二十九

唐圓暉述

四洲邊各二

釋曰前三行半明大洲後兩句明中洲論云於外海

中大洲有四謂於四面對妙高山南瞻部洲北廣南

狹三邊量等其相如車南邊唯廣三踰繕那半三邊

各有二千踰繕那解云此言車者是西國車彼又論國車形前狹後闊人面也

云唯此洲中有金剛座上窮地際下據金輪一切菩

薩將登正覺皆坐此座上起金剛喻定以無餘依及

餘處所有堅固力能持此故解云以無餘依者餘依此定也無餘依者餘金剛座外無餘處所也

此定力大餘依餘處無堅固力可能持故東勝身

洲東狹西廣三邊量等形如半月東三百五十三邊

各二千西牛貨洲圓如滿月經二千五百周圍七千

半北俱盧洲形如方座四邊量等面各二千等言為

明無少增減隨其洲相人面亦然復有八中洲是大

洲眷屬謂四大洲側各有二中洲瞻部洲邊二中洲

者一遮末羅洲此云猫牛二後羅遮末羅洲此云勝

猫牛東勝身洲邊二中洲者一提訶洲此云身二毗

提訶洲此云勝身西牛貨洲邊二中洲者一舍提洲

此云詔二囉恒羅漫恒里羣洲此云上儀北俱盧洲

中洲作要

邊二中洲者一矩拉婆洲此云勝邊二僑拉婆洲此

云有勝邊此八中洲皆人所住人形短小如此方侏

儒有說唯一洲羅刹婆居即是此方遮末羅洲也

從此第五明黑山等頌曰

北北九黑山 雪香薛山內 無熱池縱廣

五十踰繕那

釋曰此瞻部洲從中向北三處各有三重黑山有大

雪山在黑山北大雪山北有香薛山此山有香人

便醉雪北香南有大池水名無熱惱出四大河一苑

伽河從池東面出邊池一匝方入東海二信度河從

池南面出邊池一匝方入南海三徙多河從池北面

出邊池一匝方入北海此云孟津河是也四縛錫河

從池西面出邊池一匝方入西海無熱惱池縱廣正

等五十踰繕那量八功德水盈滿其中非得通人無

由能至於此池側有瞻部林樹形高大其菓甘美依

此林故名瞻部洲或依此菓以立洲號

從此第六明地獄論云復於何處置捺落迦大捺落

迦何量有幾頌曰

此下過二萬 無間深廣同 上七捺落迦

八增皆十六 謂燒爛屎糞 鋒刃列河增

各住彼四方 餘八寒地獄

釋曰此瞻部洲下過二萬有阿鼻旨大捺落迦深廣同前謂各二萬故彼底去此四萬踰繕那以於其中受苦無間非如餘七捺落迦受苦非恒故名無間且如等活捺落迦中諸有情身雖被種種所刺磨擣而彼暫遇涼風所吹還活如本由此理故立等活名阿鼻旨中無如是事有餘師說阿鼻旨中無樂間苦故名無間餘地獄中雖無異熱樂而有等流七捺落迦在無間上重累而住其七者何一極熱二炎熱三大號叫四號叫五衆合六黑繩七等活有說此七在無間傍八捺落迦增各十六故薄伽梵說此頌曰此八捺落迦我說甚難越以熱鐵爲地周匝有鐵牆四面有四門關閉以鐵扉巧安布分量各有十六增多百踰繕那滿中造惡者周徧煖交徹猛火恒洞燃釋曰十六增者八捺落迦四面門外各有四所一燒爛增謂此增內燒爛沒膝有情遊彼纒下足時皮肉與血

俱燒爛墜舉足還生平復如本二屍糞增謂此增內屍糞泥滿於其中多有娘矩吒蟲寶利如針身白頭黑有情遊彼皆爲此蟲鑽皮破骨啣食其髓三鋒刃增謂此增內復有三種一刀刃路謂於此中仰布刀刃以爲大道有情遊彼纒下足時皮肉與血俱斷碎墜舉足還生平復如本二劍葉林謂此林上純以鋒利劍刃爲葉有情遊彼風吹葉墜斬刺支體骨肉零落有鳥駭狗攬掣食之三鐵刺林謂此林上有利鐵刺長十六指有情被逼上下樹時其刺銛鋒上下鐵刺有鐵鸞鳥探啄有情眼睛心肝爭競而食刀刃路等三種雖殊而鐵杖同故一增攝四烈河增謂此增內滿熱鹹水有情遊中或浮或沒或逆或順被蒸被炙骨肉糜爛設欲逃亡於兩岸上有諸獄卒手執刀槍與捍令迴無由得出此河如遼前三似園四面各四增故言皆十六此是增上被刑害所故說爲增本地獄中適被害已重遭苦故有說有情從地獄出重遭此苦故說爲增問諸地獄獄卒是有情不答有說非情問既是非情如何動作答有情業力如成劫風

風雖非情亦能成劫問若爾云何通彼大德法救善

現說如彼頌曰心常懷忿毒好集諸惡業見他苦欣

悅死作瑛魔卒此頌文答瑛魔王使諸羅刹婆擲

諸有情置地獄中者名瑛魔卒是實有情非地獄中

害有情者故地獄獄卒非實有情有說有情問若爾

何緣火不能燒彼答此定由業力所隔礙故或感異

大種故不被燒復有餘八寒捺落迦一類部陀此云

風通身故二尼刺部陀此云三類嘶吒四羅臘婆五

虎虎婆此三忍六囉鉢羅此云青蓮華七鉢特摩

此云紅蓮華八摩訶鉢特摩此云大紅蓮華

此云紅蓮華論云此中有情嚴寒所逼隨身聲色變以立其

名解云初二地獄隨身聲立名次三此八並居瞻部

洲下如前所說大地獄傍問此瞻部洲其量無幾下

事容受無間等耶答洲如數聚上尖下闊是故大海

漸狹漸深也如上所論十六地獄一切有情業增上

力感餘孤地獄各別業招或多或少或二或一所止

差別多種處處不定或近江河山邊曠野或在地下

空及餘處諸地獄器安布如是本處在下支派不定

傍生住處謂水陸空本處大海後漸流入餘處諸鬼

本處瑛魔王國於此瞻部洲下過五百踰繕那有瑛

魔王國縱廣量亦然從此展轉散居餘處或有端嚴

具大威德受諸富樂自在如天或有飢羸顏貌醜陋

如是等類廣說如經

從此第七明日月等論云日月所居量等義者頌曰

日月迷廬半 五十一五十 夜半日沒中

日出四洲等 雨際第二月 後九夜漸增

寒第四亦然 夜減晝翻此 晝夜增臘縛

行南北路時 近日自影覆 故見月輪缺

釋曰初句明日月近遠第二句明日月體量次兩句

明四時後兩行明晝夜增減論云日月衆星依何而

住依風而住謂諸有情業增上力共引風起遷妙高

山空中旋環運持日等令不停墜彼所住去此四萬

踰繕那持雙山頂齊妙高山半日五十一月唯五十

星最小者唯一俱盧舍其最大者十六踰繕那日輪

下面頰抵迦寶火珠所成能熱能照月輪下面頰抵

迦寶水珠所成能冷能照唯一日月普於四洲作所

作事北洲夜半東洲日沒南洲日中西洲日出此四時等餘例應知日行此洲路有差別故令晝夜有減有增從雨際第二月後半第九日夜漸增從寒際第四月後半第九日夜漸減也晝時翻此夜若漸增晝便漸減夜若漸減晝則漸增晝夜增時增一臘縛晝夜減時減一臘縛日行此洲向南北如其次第夜增晝增釋曰西國之法分十二月以爲三際謂寒熱兩各有四月略述兩釋泰法師云從二月十六日至六月十五日爲熱際四月從六月十六日至十月十五日爲雨際四月從十月十六日至二月十五日爲寒際四月雨際第二月後半第九日當此間八月九日從秋分已去夜增晝減也寒際第四月後半第九日當此間二月九日從春分已去夜減晝增也此約晝夜停等後說增減也光法師云西方諸國時節不定還隨方俗以立三際從十一月十六日至三月十五日爲熱際從三月十六日至七月十五日爲雨際從七月十六日至十一月十五日爲寒際雨際第二月後半第九日當此間五月九日此與夏至稍得相

當此時日極長夜極短從此已後夜則漸增若寒際第四月後半第九日當此間十一月九日此與冬至稍得相當此時晝極短夜極長從此已後夜則漸減晝則漸增故婆沙一百三十六云摩訶陀月當此間十一月也白半之日夜有十八晝有十二從此已後晝增夜減室羅筏拏月當此間五月也白半之日晝有十八夜有十二從此已後夜增晝減解云言十八十二者謂十八十二半呼栗多也據此文證明知夜極長後方說晝增晝極長後方說夜增也又此論云日行此洲向南北如其次第夜增晝增故知五月夏至已後日則向南說夜增也十一月冬至已後日既向北說晝增也此上兩釋泰法師意約晝夜停等後說有增減光法師意約晝夜極長後說有增減各據一義任情取捨更有多解不能具叙依此論文一百二十利那爲一怛利那六十怛利那爲一臘縛三十臘縛爲一牟呼栗多若至極長有十八牟呼栗多若至極短有十二牟呼栗多故知中間延促總有六牟呼栗多從夏至日已去至冬至日已來有一百八十日日夜增一臘

轉計一百八十臘縛足成六半呼栗多故冬至日夜有十八晝有十二也若從冬至日已去至夏至日已來成六半呼栗多義准前說故夏至日夜有十二晝有十八問何故月輪於黑半末白半初位見有缺答世施設論中作如是釋以月宮殿行近日輪月輪被日輪光所侵照餘邊發影白覆月輪令於爾時見不圓滿又經部宗先舊師釋由日月輪行度不同現有圓缺問曰等宮殿何有情居答是四王天下天衆所居若空居天唯住如是日月等宮殿若地居天住妙高山諸層級等

從此第八明天器一明天所居器二明天器近遠就明天所居器文復分二初正明天器二便顯餘義初文分三一明四天王天器二明三十三天器三明空居天器且初第一明四天王天器者論云有幾層級其量云何何等諸天住何層級頌曰

妙高層有四 相去各十千 傍出十六千
八四二千量 堅手及持變 恒憍大王衆
如次居四級 亦住餘七山

釋曰蘇迷盧山有四層級始從水際盡第一層相去十千踰繡那量如是乃至從第三層級盡第四層亦十千量此四層級從妙高山傍出圍遶盡其下半妙山下四萬最初層級出十六千第二第三第四層級各有名持變住第二級有名恒憍住第三級此三皆是四大大王所部天衆第四層級四大大王及諸眷屬共所居止故經依此說四大大王衆天除層級外七金山上亦有天居是四大大王所部村邑是名依地住四大大王衆天於欲天中此天最廣

從此第二明三十三天器論云三十三天住在何處頌曰

妙高頂八萬 三十三天居 四角有四峯
金剛手所住 中宮名善見 周匝踰繡那
高一半金城 雜飾地柔輭 中有殊勝殿
周千踰繡那 外四苑莊嚴 衆車羣雜喜
妙地居四方 相去各二千 東北圓生樹
西南善法堂

釋曰三十三天住蘇迷盧頂其頂四面各八十千與下四邊其量無別山頂四角各有一峰其量縱廣各有五百有藥叉神名金剛手於中止住守護諸天於山頂中有官名善見見者稱善也四面二千半周萬踰繕那金城量高一踰繕那半其地平坦亦真金所成俱用百一雜寶嚴飾地觸柔軟如妬羅綿於踐躡時隨足高下是天帝釋所都大城於其城中有殊勝殿種種妙寶具足莊嚴嚴餘天宮故名殊勝面二百五十周千踰繕那是謂城中諸可愛事城外四面四苑莊嚴是彼諸天共遊戲處一衆車苑隨天福力種種車現二應惡苑天欲戰時甲仗等現三雜林苑於諸天入中所翫皆同俱生勝喜四喜林苑極妙境界并集此苑觀此無厭名喜林也此爲外飾莊嚴大城四苑四邊有四妙地中間各去苑二千踰繕那是彼諸天勝遊戲處諸天於彼捕指爭勝歡娛城外東北有圓生樹是三十三天受欲樂勝所也其圓生樹盤根深廣五十踰繕那幹上昇枝條傍布高廣量等百踰繕那莖葉開華妙香芬馥順風熏滿百踰繕那

●於于經

●千輪作十

●千輪作十

若逆風時猶遍五十間順風可爾云何逆風重答有餘師言香無逆熏義依不越樹界故說逆風熏解云界者謂圓生樹身去外枝條四面各五十踰繕那如在樹下近東邊立去被樹身五十踰繕那若有東風名爲逆熏此人由在樹界內而得順論主正解云理實圓上枝條等香故言不越樹界也生有如是德所流香氣能逆風熏雖天和風力所壅遏然能相續流趣餘方漸劣漸微近處便歇非能遠至如順風熏五十踰繕那名遠處又論云如是華香爲依自地隨風相續轉趣餘方爲但熏風別生香氣問也自地者華也香依華說華爲自地也此義無定諸軌範師於此二問俱許無失答也依華依風名二問也若爾者何故薄伽梵此云功德聚言華香不能逆風熏根莖等香亦復爾善士功德香芬馥逆風流美徧諸方解云引此頌意難論主許華香能逆風熏也修善之士名滿四方能逆論主通云據人間香故作是說以風熏華香不爾也世共了無如是能若據天香能逆熏也化地部經說此香氣順風熏滿百踰繕那若無風時唯遍五十城西南角有善法堂三十三天於彼評論如法不如法

事

從此第三明空居天論云如是已辨三十三天所居

外器餘有色天衆所住器云何頌曰

此上有色天 住依空宮殿

釋曰此前所說三十三天上有色諸天住依空宮殿
謂夜摩天都史多天樂變化天他化自在天及梵衆
天等十六處並前天合成二十二天名有色天二十
住空居也

從此大文第二便顯餘義一明六天行婬二明諸天
初生三明欲生樂生也此即第一明六天行婬論云
如是所說諸天衆中六天行婬云何頌曰

六受欲交抱 執手笑視婬

釋曰唯六欲天受妙欲境於中初二依地居天形交
成婬與人無別然風氣泄熱惱便除非如人間有餘
不淨夜摩天衆纔抱成婬都史多天但由執手樂變
化天唯相向笑他化自在天相視成婬隨彼諸天男
女膝上有童男童女欬然化生即說爲彼天所生男
女也

從此第二明諸天初生論云初生天衆身量云何頌
曰

初如五至十 色圓滿有衣

釋曰且六欲天初生如次如五六七八九十歲人生
已身形速得圓滿色界天衆於初生時身量周圍具
妙衣服一切天衆皆作聖言謂彼言詞同中印度
從此第三明欲生樂生論云欲生樂生差別云何應
知頌曰

欲生三人天 樂生三九處

釋曰欲生三者第一依受如生現前欲境故謂諸有
情樂受現前諸妙欲境彼於如是現前欲境中自在
而轉謂全人趣及下四天第二依受如樂自化妙欲
境故有諸有情樂受自化諸妙欲境彼於自化妙欲
境中自在而轉謂唯第五樂變化天第三依受如樂
他化妙欲境故謂諸有情樂受他化諸妙欲境彼於
他化妙欲境中自在而轉謂唯第六他化自在天此
上天天受欲界生是謂欲生差別三種樂生三者三
靜慮中於九處生受三種樂一於初靜慮二處生中
受一種樂謂離生喜樂離欲界惡生喜樂故第二靜
慮三處生中受一種樂名定生喜樂從初禪定中生

二禪喜樂故第三靜慮三處生中受一種樂名離喜
妙樂離第二禪喜生第三禪樂離喜之樂名離喜妙
樂初靜慮中長時安住離生喜樂第二靜慮長時離
苦第三靜慮長時受樂故名樂生

從此第二明天器近遠於中有二一明天器近遠二
明下天見上且初明天器近遠者論云所說諸天二
十二處上下相去其量云何頌曰

如彼去下量 去上數亦然

釋曰隨從何天去下海量彼上所至與去下同謂妙
高山從第四層級去下大海四萬踰繕那是四天王
天從彼上去三十三天亦如彼天去下海量如三十
三天去下大海上去夜摩天其量亦復爾如是乃至
如善見天去下大海踰繕那量從彼上至色究竟天
亦與彼天去下大海量等從此向上復無所居此處
最高名色究竟天

從此第二明下見上天論云於下天處生昇見上不
頌曰

離通力依他 下無昇見上

釋曰三十三天由自通力能從本處昇夜摩天或復
依他謂得通者及上天者接往夜摩天所餘諸天昇
上例爾若來若至下見上天然下眼不能觀上界地
非境界故如不覺彼觸因此義便復明天量有餘師
說夜摩等四依處量同妙高山頂有餘師說上倍倍
增有餘師說初靜慮量等一四大洲第二靜慮等小
千界第三靜慮等中千界第四靜慮等大千界
從此大文第二總辨大千論云齊何量說小中大千
頌曰

四大洲日月 蘇迷盧欲天 梵世各一千

名一小千界 此小千千倍 說名一中千

此千倍大千 皆同一成壞

釋曰千四大洲乃至千梵世如是總說為一小千千
倍小千名一中千界千中千界總名大千界如是大
千同成同壞

從此大文第二明能居量一明身量二明壽量且初
明身量者論云如外器量別身量亦別耶亦別云何
頌曰

瞻部洲人量 三肘半四肘 東西北洲人
倍倍增如次 欲天俱盧舍 四分一一增
色天踰繕那 初四增半半 此上增倍倍
唯無雲減三

釋曰瞻部洲人身多分長三肘半於中少分有長四
肘東勝身洲人身長八肘西牛貨洲人身長十六肘
北俱盧洲人身長三十二肘欲界六天最下身量一
俱盧舍四分之一如是後後一分增至第六天一
俱盧舍半色天身量初梵衆天半踰繕那梵輔全一
大梵一半少光二全此上諸天皆增倍倍唯無雲天
減三踰繕那謂徧淨天六十四踰繕那至無雲天於
一倍中減三踰繕那計成一百二十五踰繕那也所
以無雲減三者從第三禪變易受生入第四禪不變
易受難故減三劫也捨受名不變易受也又解謂順
色究竟天一萬六千劫故減三劫謂無雲天減三劫
已上倍倍增乃至色究竟增滿一萬六千踰繕那也
從此第二明壽量一明善趣壽量二明惡趣壽量三
明中天不中天且善趣壽量者論云身量既殊壽量

亦別不亦別云何頌曰

北洲定千年 西東半半減 此洲壽不定
後十初叵量 人間五十年 下天一晝夜
乘斯壽五百 上五倍倍增 色無晝夜殊
劫數等身量 無色初二萬 後後二二增
少光上下天 大全半爲劫

釋曰北俱盧洲人定壽千歲西牛貨洲人壽五百歲
東勝身洲人壽二百五十歲南瞻部洲人壽無定限
謂劫減位極壽十年於劫初時人壽無量百千等數
不能計量已說人間壽量長短要先建立天上晝夜
方可計算天壽短長天上云何建立晝夜且人間五
十年爲四天王天一晝一夜乘此晝夜三十日爲月
十二月爲年彼壽五百歲上五欲天漸俱增倍謂人
間百歲爲第二天一晝一夜乘此晝夜成月及年彼
壽千歲夜摩等四隨如次人二四八百千六百歲爲
一晝一夜乘此晝夜成月及年如次彼壽二四八千
一萬六千歲問持變已上日月并無諸天云何建立
晝夜及光明事答依華開合建立晝夜又依諸鳥鳴

靜差別或依天衆寤寐不同依已自身光明成外光
明事色界諸天中無晝夜別但約劫數知壽短長彼
壽短長與身量等謂若身量半踰繕那壽量半劫若
彼身量一踰繕那壽量一劫乃至身量長萬六千踰
繕那壽量亦同萬六千劫無色壽量從下如次二四
六八萬大劫謂空處二萬劫識處四萬劫無所有處
六萬劫非想非非想八萬大劫應知如上所說劫量
少光已上大全爲劫八十中劫爲一劫也自此下諸
天大半爲劫四十中劫爲一劫也由此理故經說大
梵遍梵輔天壽一劫半謂以成住壞各二十中劫此
六十中劫爲一劫半故以大半四十中劫爲下三天
所壽劫量言三天者梵衆梵輔大梵天也
從此第二明惡趣壽量論云已說善趣壽量短長惡
趣壽云何頌曰

等活等上六 如次以欲天 壽爲一晝夜
壽量亦同彼 極熱半中劫 無間中劫全
傍生極一中 鬼月日五百 類部陀壽量
如一婆訶麻 百年除一盡 後後倍二十

釋曰四天王等六欲天壽如其次第爲等活等六捺
落迦一晝一夜壽量如次亦同彼天謂四天王天壽
量五百歲於等活地獄爲一晝一夜乘此晝夜成月
及年以如是年彼等活地獄壽五百歲乃至他化天
壽萬六千歲於第六炎熱地獄爲一晝一夜乘此晝
夜成月及年彼炎熱地獄壽一萬六千歲第七極熱
地獄壽半中劫無間地獄壽一中劫二十增減爲一
中劫也傍生壽量多少無定限若壽量極長亦一中
劫故世尊言大龍有八謂難陀等皆住一劫而能持
大地鬼以人間一月爲一日乘此成月歲彼壽五百
年間寒捺落迦壽量云何答世尊寄喻顯彼壽言如
此人間佉黎二十成摩揭陀一麻婆訶量佉黎此云
解婆訶此云篋麻者巨藤也一麻婆訶量者意取婆
訶量不欲取麻如言一穀篋頌言婆訶麻者意欲取
麻如言一篋穀有置巨藤不滿其中設復有人百年
除一如是巨藤易有盡期生類部陀壽量難盡此二
十倍爲第二寒地獄壽如是後後二十倍增是謂八
寒地獄等壽量

從此第三明中天不中天論云此諸壽量有中天耶
頌曰

諸處有中天 除北俱盧洲

釋曰諸處壽量皆有中天除北俱盧洲彼定千歲此
言諸處有中天者約處所說非別有情以諸處中有
別有情不中天故謂住觀史多天一生所繫菩薩及
最後有菩薩謂王宮身也佛記佛提佛使也隨信隨法
行見道人菩薩輪王母懷彼二胎時此等亦無中天

俱舍論頌疏 論本第十一

俱舍論頌疏 論本第十二

中大雲寺沙門 圓暉 述

分別世間品第三之五

從此大文第三明三分齊就中一明三極少二明二
量且初明三極少者論云如是已約踰繕那等辨器
世間身量差別約年等辨壽量有殊二量不同未說
今說此二建立無不依名前二及名未詳極少今應

先辨三極少量頌曰

極微字刹那 色名時極少

釋曰上句標下句釋也極微者是色極少也刹那者
是時極少也一字者是名極少也謂分折諸色至一
極微為色極少分折諸名至於一字為名極少分折
於時至一刹那為時極少一字名者如說瞿名問何
名利那答衆緣和合法得自體頃又解或有動法行
度一極微又解對法諸師作如是說由如壯士一度
疾彈指頃六十五刹那如是名為一刹那量
從此第二明二量就中一明踰繕那等二明年等且
初辨踰繕那等者論云已知三極少前二量云何
今且辨前踰繕那等別頌曰

極微微金水 兔羊牛隙塵 蟻虱麥指節
後後增七倍 二十四指肘 四肘為弓量
五百俱盧舍 此八踰繕那

釋曰極微為初指節為後應知後後皆七倍增謂七
極微為一微量積微至七為一金塵一解云塵向金
金通至下水塵積七金塵為一水塵積七水塵為一
曾有兩釋也

鬼毛塵一解鬼毛上住一解量如鬼積七鬼毛塵為

一羊毛塵積七羊毛塵為一牛毛塵積七牛毛塵為

一隙遊塵積七隙遊塵為一蠟積七蠟為一蟲積七

蟲為一蠶麥積七蠶麥為一指節三節為一指二十

四指積布為一肘豎積四肘為一弓謂尋豎積五百

弓為一俱盧舍一俱盧舍者計是從村至阿練若此

無量中間道量說八俱盧舍為一踰繕那解云計一

八寸一弓有七尺二寸乃至一俱盧舍計有二里一踰繕那有十六里

從此第二明年等就中一明利那至年二明諸劫數

且初明利那至年者論云如是已說踰繕那等今當

辨彼年等量別頌曰

百二十利那為恒利那量 臘縛此六十

此三十須臾 此三十晝夜 三十晝夜月

十二月為年 於中半減夜

釋曰利那百二十為一恒利那六十恒利那為一臘

縛三十臘縛為一牟呼栗多三十牟呼栗多為一晝

夜三十晝夜為一月十二月為一年於一年中分為

三際謂寒熱雨各有四月十二月中六月減夜以一

年內夜總減六云何如是故有頌曰寒熱雨際中一

月半已度於所餘半月智者知夜減

從此第二明劫量就中一明劫數二明劫中人三明

劫中災且初明劫數者論云如是已辨利那至年劫

量不同今次當辨頌曰

應知有四劫 謂壞成中大 壞從就生

至外器都盡 成劫從風起 至地獄初生

中劫從無量 減至壽唯十 次增減十八

後增至八萬 如是成已住 名中二十劫

成壞壞已空 時皆等住劫 八十中大劫

大劫三無數

釋曰劫有四種一壞二成三中大言壞劫者謂從

地獄有情不復更生至外器都盡壞有二種一趣壞

二界壞界壞復有二種一有情壞二外器壞謂此世

間過於二十中劫住已從此復有等住二十壞劫便

至若時地獄有情命終無復新生為壞劫始乃至地

獄無一有情爾時名為地獄已壞諸有地獄定受業

者業力引置他方獄中由此推知傍生鬼趣然各先